


Ofscheed van 2020

KOLUUNE



In veer Weken geiht 2020 to Enn. Man wo sücht dit Enn ur? Grote Ballen un Festen fallen ut. Wi dürden uns nich tegensiedig in d' Arms liggen. So vööl steiht fast. Man worden wi ok to Ruh un Stille verdönnert? Mutten wi würcelk uptlest ok noch up de Knalleree un dat Silverster-Füürwark verzichten?

Jahrin, jahrut wennen sük Stimmen tegen dat Puhée. Siet Anfang de 80er Jahren will „Brot för de Welt“ de Lüü as Bispiel övertügen: „Mehr as 130 Millionen Euro to verpulvern, is verrückt! Daarmit lett sük wat beteres anfangen!“ Unner de Überschrift „Brot statt Balleree“ warven se för Entwicklungsprojekten. De Klimaschulers is dat



Insa Schindler
Deren blöddt dat Hart, umdat hör Veerbeners unner de Schandaal

lieden. Wat all disse Gruppen nich schafft hebben, kann Corona schaffen: Mit en Verbod will man de Lüü nich in Versöken föhren, sük to treffen un sük so mit dat Virus antosteken. Krankenhusen sallen entlast worden, indem se sük nich ok noch bovendem mit malle Unfallwunnen uphollen möten.

Ik geev ehrlich to, dat ik bitlang nich besünners blied west bün, wenn all Dagen för Silvester mien Dörp in en Kriegstostand versett worden

is. Schöten, de een dör un dör gahn, Gestank un Ofgefall, de noch Dagen lang um de Dören flegen, wassen noit mien Fall. Mien Kopp seggt mi daarom: „Daarup to verzichten, is würcelk nich leep. Dat is ehrder een Luxusproblem.“

Un doch trüürt mien Hart dat Wennte na. Wat för en moi Teken was dat, wenn nich ok noch de lesde Tradition en Corona-Opfer word. Ditmaal jöckt sogaar mi dat in de Fingers, Schandaal to maken, um – as na de egentlike Sinn – quade Geister to verdrieven un 2020 na de Düwel to jagen.

2021 sullen wi mit bunte Farven an d' Himmel begröten können. En Füürwark kunn en Teken för dat Hoppen up en Levend wesen, dat weer in d' Riegekummt.

Man wenn de Johreswessel 2020 / 2021 nich so as anners oflöppt, word dat Tied, dat wi uns Mögelkeiden utdenken, um dit Lock uttofüllen: Vielleicht kieken wi uns up de Kiekkast Uptekens van alle Füürwarken an of elk hangt sük en Diskokugel in 't Wohnzimmer up un sörgt daarmit för en bunt Favenspöl. Well weet, vielleicht worden ut en paar kruse Gedanken ja neje Traditionen geboren.